

- 50 Utrum sit dignus relegi brevis iste libellus.  
 Indoctis siquidem novi quod non sapit idem:  
 Quem rogo ne tangant, qui nil componere curant,  
 Aut si quid curant, tantum vulgaria laudant,  
 Arida sectantes, exanguia sola probantes,  
 55 Et serpunt per humum, metuentes ire per altum.  
 At vero quis te subtilem nesciat esse?  
 Ingenii venam tibi quis neget esse benignam?  
 Nam versus dulces scribendo pectora mulces,  
 Mulces egregie scribens metri sine lege.  
 60 Moribus hec ornas, cum sit tibi prona voluntas  
 Semper ad omne bonum, deus augeat hoc tibi donum.  
 Augeat omne bonum tibi fons et origo bonorum,  
 Et nunc et semper valeas, dulcissime frater.

---

V. 52. Hor. Ars poet. v. 35: 'si quid componere curem'. V. 54.  
 (Cic.) ad Herenn. IV, c. 11: 'aridum et exsanguie genus orationis'. V. 55.  
 Hor. Ars poet. v. 28: 'Serpit humi'; Epist. II, 1, 251: 'Repentes per  
 humum'. V. 57. Hor. Carm. II, 18, 9. 10: 'ingeni | Benigna vena est'.  
 V. 60. Hor. Ep. II, 1, 2: 'moribus ornes'.